



Lavuratori sut il timun da Jon Carl Thal.



Barbla Etter ha preschentà e commentà las tesas da Martin Bundi.



Beat Dermont (a dretga) e Martin Cantieni (a san.) da la GiuRu en la pausa da café.



Luvratori da discussiun sut l'egida dal suprastant Donat Nay.



Andreas Glaser en discussiun cun ils participants.



Radund 80 personas interessadas han assistì a la dieta publica da la LR en la Scola auta da pedagogia a Cuira.

FOTOS M. NUTT

## Instradà emprims pass per l'adattaziun da las structuradas da la LR

■ (LR) Sonda, ils 11-06-2016 ha gi lieu a Cuira ina dieta publica da la Lia Rumantscha (LR) sut la direcziun dal president Johannes Flury. I regia in ferm consens da dar a la diaspora in status analog a quel da las uniuns territorialis. Plinavant vegn giavischà ina meglra observaziun da las leschas da lingua e dals dretgs cumpigliads en quellas. L'occurrènza ha cumenzà cun dus referats tematics. *Andreas Glaser* e *Corsin Bisaz* dal Center per la democrazia ad Aarau han discurrì davart l'adattaziun giavischada da las structuradas da la LR uschia ch'ella represchenta las Rumantschas ed ils Rumantschs en ina moda pli directa. *Barbla Etter*, assistenta doctoranda a l'Universitad da Friburg, ha referì davart il status dal rumantsch en vischnancas fusiunadas. En lavuratori èn las participantas ed ils participants s'occupads cun 10 tesas che la LR ha mess en discussiun ordavant.



Corsin Bisaz ha tegni in referat introductiv.

**Instradà l'adattaziun da las structuradas**  
La dieta ha mussà ch'i regia in ferm consens da dar a la diaspora in status analog a quel da las uniuns territorialis. Ultra da las uniuns territorialis èn actualmain er uniuns surregionalas, p. ex. Giuventegna Rumantscha (GiuRu), sco er uniuns tematics, p. ex. Uniun per la Litteratura Rumantscha, represchentadas en la radunanza da delegads da la LR. Ins na vul betg perder ils avantatgs d'ina delegaziun directa da questas uniuns, malgrà ch'ins è decididamain da l'opiniun ch'ins stoppia

modifigar la represchentaziun da las uniuns affiliadas en la radunanza da delegads. Plinavant è vegnì exprimì il giavisch dad observar anc pli intensivamain sch'è bain las leschas da lingua vegnian resguardadas. Ina proposta en quella direcziun è d'installar in post d'observaziun independent.

### Flury: «Il rumantsch n'è nagin motiv da sa lamentar»

Radund 100 personas han chattà la via a Cuira ed han discutà a moda viva e constructiva. *Johannes Flury*, president da la

LR, è satisfatg da l'andament da la dieta. En ses facit ha el manegì ch'i saja da lavurar cuntinuadamain per l'acceptanza dal rumantsch en il Grischun triling. Tenor el n'è il rumantsch nagin motiv da sa lamentar. La dieta haja era confermà ch'i dettia bleras perspectivas positivas. Or dal plenum è resorti il giavisch da cuntinuar la discussiun da temas actuals en questa furma. La suprastanza da la LR publitgescha sunter la stad in plan d'acziun e vegn a proponer emprimas mesiras a chaschun da la radunanza da delegads da quest atun.



In auditori interessà e critic.